

## Kadasi nnyo su bo **PETORO** akere i ni

<sup>1</sup> Mini Simon Petoro bo m ti Yesu Kristo akoo na m kaaki ti i jaramasa ni, mini sukere ahin kadasi n ma ambere bo Nyeme ama am ayo Kristo yarada n a, kabo wo ma yere mmoo ayo i yarada ni. Yesu Kristo bo i ti ya Nyeme ni ya Tiidefo ni, i sakpa yoowa n dee ti, ye ya kere ayo i yarada.

<sup>2</sup> Am Si Nyeme ni ya Mibie Yesu n dee ti, Nyeme buka am agaya, na i ma am ahoreda buka su.

*Minem bo Nyeme afere bu, na wo yi bu n jore*

<sup>3</sup> Nyeme la yiko, nyini yiko n nu, wo ce ya deke kere bo wo yo daka ka ya la i na ya nya ngoo na ya su i nahore su. Ya si i n dee ti, ye wo yo nyini n kere ama ya n a. Yiri ye wo yi ya ka ya nya i woowa kpa ni i jirima n a.

<sup>4</sup> Nyini n dee ti, wo se ka i ce ya aceerim bambaka bo bu la ma anusu, adena i yi ya fite durunya n nu satie kere bo i wura mine konviki na i saaki bu n nu, na ya nya Nyeme dee woowa n be.

<sup>5</sup> Nyini dee ti, kabo am ayo Kristo yarada ni, wo yo daka ka am boro am nyi, na am yo yarada buka su. Ma am yo yarada ngumi, ama, am yo sakpa gusu. Ma am yo sakpa ngumi, ama, am kpini si.

<sup>6</sup> Má am kpini si ngumi, ama, am la tarabuṅu. Má am la tarabuṅu ngumi, ama, am la mindi. Má am la mindi ngumi, ama, am ma am woowa kɔ Nyeme atin su.

<sup>7</sup> Má am ma am woowa kɔ Nyeme atin su ngumi, ama, am yo am beṅgu kpa. Má am yo am beṅgu kpa ngumi, ama, am koro minem kere.

<sup>8</sup> Nzen am la nyini woowam ni, na am woowa ti so nahore su sanḡa kere, nyini kere ka, kabo am asi ya Mibiε Yesu Kristo ni, am woowa la kperε, i ti má ṅgbεn.

<sup>9</sup> Ama, sonɔ kere bo i la má nyini woowam ni, i mi ti ka sonɔ bo i koro ṅu má nyunyumi, wara i ti ka anyinsin wɔ, na i kaaki ti ka sonɔ bo i wara afi ka Nyeme akpakpara ayi i afite i satie dawam nu ayo i casi.

<sup>10</sup> Nyini dε ti, m ninbaam, kabo Nyeme afere am na wɔ yi am ni, am boro am nyi, adena am woowa kere ka am ti i dε minem. Nzen am yoori nyinim so, am kpási má fieo.

<sup>11</sup> Nyini má am nya aceeri bambaka bo am la atin, na am wura Yesu Kristo dε femeya woobiri n nu a, yiri bo i ti ya Mibiε ni ya Tiidefo na i femeya n wo bere sanḡa kere ni.

<sup>12</sup> Nyini dε ti, ye i wo m ahore su ka m sutenḡe am ahin jorem su sanḡa kere n a, haari ni bo am si bu na am ade kereewam bo bu ti nahore n na am bita bu kenken n ni.

<sup>13</sup> Mini dɔ, wɔ yo daka ka m sutenḡe am su so, sanḡa bo m toko la ṅɔɔ ni.

<sup>14</sup> Dama m si ka i cé má, m bá wo má bere, kabo ya Mibiε Yesu Kristo yi kereeri m ni.

<sup>15</sup> Nyini ma m boro m nyi yo deke kere bo m

koro yo i n a, adena sanḡa bo m bá wo má berε, na am koro tenḡe nyini jɔrem su sanḡa kerε.

<sup>16</sup> Ya yo kan kereeri am ka, kabo ya Mibiε Yesu Kristo la yiko na i káaki ba barasu ni, bo ya kan sɔ ni, i ti má ka ya faari ḡḡonle boori ya tiεnu kaanri i a, ama, yerε mmɔɔ ni ya tii nyumbaa ḡuuri kabo i la yiko bambaka barasu ni.

<sup>17</sup> Sanḡa bo ya Si Nyeme yo wuraari i kpiri na i maari i woowa taari wein ni, Nyeme konvi yo fiteeri anḡoro dika n nu na i jɔjɔori i dɔ ni, na yiri bo i woowa la má anusu n ase ka, “M dεε Wa bo m koro i n lεε, m ahore ajo i ḡu.”

<sup>18</sup> Yerε ni ya tii tiiri kabo akonvi n fite anḡoro ni, sanḡa bo ya woori i dɔ, Nyeme buka n su ni.

<sup>19</sup> Nyini n kerε ma ya la ahoresi buka su, ka jɔrem bo Nyeme nɔaniε kanfɔm yo kaanri bu n ti nahɔre wɔ. Nyini ti, am boro am nyi na am de kabo bu yo seeri ni, na am su i su. Nɔaniε n bo bu jɔjɔori i n ti ka fitana bo i taari awosin nu n ti n wɔ, i teke am nyi kɔ ju cεen bo Kristo káaki ba ni, na i fa wein n ba teke am nyi nahɔre su, kabo alecin na asaakojo tie fa wein ba ni.

<sup>20</sup> Jɔre bo i tara bu kerε na am si i n la ka, nɔaniε n kerε bo Nyeme fa maari i nɔaniε kanfɔm na bu kerεeri i Nyeme Jɔre Kadasi n nu ni, be wo má berε bo i koro fa adamande si ḡgumi na i fa kere nyini nɔaniε n bu.

<sup>21</sup> Dama má adamande koroyanu ye bu kaanri Nyeme nɔaniε n a, ama, Nyeme Awiewiε Casi ni maari bu nɔɔ ye bu kaanri nɔaniε n bo Nyeme koro ka bu kan i n a.

## 2

*Kɔrɛfɔm bo bu yo bu ηu ka bu kere Nyeme nɔaniɛ n jɔrɛ*

<sup>1</sup> Kabo mine kɔrɛfɔm woori Nyeme minem nu dawa saŋga ni, berɛ bo bu yo bu ηu ka bu ti Nyeme nɔaniɛ kanfɔm ni, so ye kerefɔ kɔrɛfɔm bá wo am gusu nu a. Bu fíe wɔ, na bu fá bu dɛɛ kereewam kere am, kereewa bo bu ma am mini Nyeme atin ni, haari na bu káaki bu sin bo Mibiɛ ni, yiri bo wɔ tɔ bu tii su ηkatɔ ni. Nyini ti, bu sayoowam má Nyeme yo bu ηgbɛɛn anyumbaa kata ni i teke.

<sup>2</sup> Na mine dɔŋgu sɔn bu sayoowa ηgbɛɛn-ηgbɛɛnm su. Berɛ dɛɛ ti, mine bá bu atin n bo i ti nahɔrɛ ni ηgbɛɛn.

<sup>3</sup> Nyini kerefɔ kɔrɛfɔm ni, bu nyunu aboro neŋge su dɛɛ ti, bu bó bu tiɛnu jɔrɛ kan ma am a, na bu fá am kpini. Ama, Nyeme daafi má, wɔ du mɔ adi bu jɔrɛ, i bá yo bu ηgbɛɛn wɔ.

<sup>4</sup> Ya si ka Nyeme merɛkem bo bu yo yoori satie ni, Nyeme ayaki má bu. I faari bu tuuri cɛɛma sin n nu wɔ, na wɔ bo bu tobari ase awosin n nu, ka bu suwo dɔ haari jina cɛɛn n bo i bá cin bu sui ni.

<sup>5</sup> Ya si ka, dawa saŋga, minem bo bu soro má Nyeme ni, wɔ yaki má bu, i cin bu sui wɔ, na wɔ ma wɔmbu bambaka adi bu kerɛ, ama, na wɔ de Nowa tii aji, i ni mine nso nbem, yiri kan kereeri minem deke bo i ti sakpa na i kɔ atin su n a.

<sup>6</sup> Ya si ka Nyeme yo saakiiri Sodom ni Gomora miɛm ni, i faari sin jiiri su yaraari bu wɔ, na i kerɛ aje atɔ nzuin. I yoori sɔ ni, i kere kabo i bá yo minem n bo bu soro má Nyeme n wɔ lɛɛ.

<sup>7</sup> Ya si kabo i yo deeru Loti tii jiiri ni, i yo ti sonɔ bo i yo sa bo i kɔ atin su Nyeme dɔ ɔ, na i ahore yo ti saakiiwa fa kɔ minem bo bu bu má deke be na bu nati yo sa ngbɛɛnngbɛɛnm ni.

<sup>8</sup> Nyini sɔnɔ n bo i yo sa bo i kɔ atin su ni, yiri ni nyini minem ni yo sanɔa wo a, cɛɛn kere cɛɛn, na i sunɔ sa ngbɛɛnngbɛɛnm bo bu yo bu ni, na i sui suti jɔre ngbɛɛnngbɛɛn bo bu jɔjɔ bu ni, nyini dɛɛ ti, na wɔ di wahara ahoresaaki nu, yiri bo i ahore ti fofoe ni.

<sup>9</sup> Tɔ, nyini n kere kere ka Nyeme si kabo i yɔ na i dé minem bo bu su i atin su n fite kekereke nu a. Na i si kabo i sucin minem bo bu su má i atin su n sui, kɔ ju sanɔa bo i bá di bu jɔre ni.

<sup>10</sup> Bere n bo i cín bu sui tara minem kere n la bo bu su anuniɛmbaa koroowa ni dangba sam su, na bu kete ka má Nyeme nie bu su ni.

Nyini minem ni, bu tii ti kekereke, bu soro má be. Haari ngɔɔfɔm bo bu wo anɔgoro na bu la jirima woowa ni, bu kpɛ bu nzukɔ ɔ, bu soro má sere.

<sup>11</sup> Haari Nyeme merɛkem bo bu la yiko ni fanɔa tara nyini minem ni, bu kpɛ má nyini ngɔɔfɔm ni nzukɔ na bu jaraki má bu kere má Mikun ni.

<sup>12</sup> Nyini minem sɔ, kabo bu koro, ye bu yo a, bu ti ka boro neɛge tiem bo mine tara bu na bu kpɛ bu kɔm n wɔ. Bu kpɛ nzukɔ fa kɔ dekem n bo bu si má bu n su wɔ. Kabo mine ma boro neɛge tiem ka ngbɛɛn ni, sɔ ye Nyeme má bu gusu bá ka ngbɛɛn a.

<sup>13</sup> Kabo bu ma minem di wahara ni, bere gusu bá di wahara sɔ ɔ. Bu konvikiya sam bo bu yo bu

ni, i yo bu fie wɔ, bu yo bu wiesu wɔ, bu fie má su. Bu ti danɗbafɔm wɔ, na bu wura am nyinse sanga bo am ni bere tien am nɔɔ sudi diire ni, bu sunsunni kere la ka bu daka am.

<sup>14</sup> Bu nyunu boro mine yim kpini su wɔ, na bu kunnu yi má bu satieyo. Bu dadaka minem bo bu nya si má Nyeme atin n nyunyumi n wɔ, na bu yaki i, adena bu su bu deɛ kereewam n su. Bu ahorembaa abi neŋge kpini su wɔ. Nyeme ayo bu ŋgbɛɛn awie lee.

<sup>15</sup> Ba yaki atin n bo i ti kpa ni, ba mini. Atin n bo Baalam bo i si la Beori n yo bitaari i ni, ba son i su lee. I yo koroori ŋwaa bo minem ma i n wɔ, na i yo satie.

<sup>16</sup> Ama, na Nyeme akan i ndie, i satie yoowa n deɛ ti. Ya si ka kaako koro jojo má, ama, Nyeme ama kaako ajojo Baalam do, kabo adamande jojo ni. Na Baalam bo i ti Nyeme noanie kanfo ni, na wɔ yaki sa n bo má i suyo i na i ti ka i nyunu ti má koroowa ni.

<sup>17</sup> Nyini minem ti ka bura bo i tie má nzue wɔ, na bu kaaki ti ka nzue munaawa bo aɗuma fa i sin n wɔ. Bere ye Nyeme aseɛ awosin n bo i la má aɗusu ase bu n a.

<sup>18</sup> Bu fo yanfoya a, na bu sujɔɔ ŋgbɛɛnŋgbɛɛn, na bu fa aɗunie koroowa na bu fa dadaka minem bo ba kaba afite kore jorem nu na ba nya ace má ni.

<sup>19</sup> Bu se minem ka bu má bu nya bu tii wɔ. Ama, bere ni bu tii bo bu kan so ni, bu ti ka akoom wɔ, satie bo i ma bu ka ŋgbɛɛn ni aja bu, dama deke bo wɔ kunma sonɔ ni, i mi n ti nyini deke n akoo lee.

<sup>20</sup> Minem bo bu si Yesu Kristo ni, yiri bo i ti ya Mibiε ni ya Tiidefɔ ni, na i ma ba yaki durunya n nu dεε dangba sam ni, na ba kaaki akpie bu nyi ama nyini sam atara bu akunma bu bekun ni, bu awieeri ti tiε tara bumboori ni.

<sup>21</sup> Nzen má ba si má woowa bo i kɔ atin su ni, má i ti ye tara bo ba kaaki bu sin abo Nyeme nɔaniε maawa n bo ba du mɔ ade i ni.

<sup>22</sup> Kabo bu yoori sɔ ni, nyini kere ka ahin anyunderem ni ti nahɔre wɔ, bo bu ɲa,  
 “Caa kaaki fa deke n bo wɔ fi i n di bekun wɔ,”  
 na bekun,  
 “Nzen a taraari afa biεeri i nzue,  
 i kaaki kɔ wura natiε nu wɔ bekun.”

### 3

#### *Ya Mibiε n ba n jɔre*

<sup>1</sup> M danfo kɔpam, ahin kadasi ni ti kadasi nnyɔ su bo m sukere ma am a. Ahin kadasi nnyɔ n kere, m koro ka m tenge am su na am bita sunsunni kpa.

<sup>2</sup> M koro ka am tenge su fa kɔ nɔaniem bo Nyeme nɔaniε kanfɔm yo seeri bu dawa sanɲa ni, na am kaaki tenge su fa kɔ nɔaniε maawa n bo Mibiε n bo i ti ya Tiidefɔ n kaanri i, na i jaramasam seeri am ni.

<sup>3</sup> Jɔre bo i tara bu kere na am si i n la ka, fa kɔ durunya n awieeri su, mine nbem bá ba, na bu susu anuniembaa koroowa su, na bu yó am anzasi fa kɔ am yarada n su,

<sup>4</sup> na bu sé ka, “I seeri ka i káaki ba bekun, ye i wo ni? Ya nam wo má bere kun, ama, deke n

kerε toko ti i tii wɔ, kabo Nyεmε yiiri durunya n ba ju ni nyuma.”

<sup>5</sup> Bu si tenle su, ama, ba kete ka bu tenge má su ka, dada san̄ga, Nyεmε yo faari i nɔɔ jɔjɔri ye an̄goro wo bere a, na wɔ jɔjɔ na wɔ kpaaki nzue n ni asien n nu, na asien n afite nzue n nu.

<sup>6</sup> Nyini nzue n ye i fa saakiiri durunya n a dawa san̄ga, san̄ga bo wɔmbu nzue n diiri deke n kerε ni.

<sup>7</sup> Ama, an̄goro ni asien̄gu n bo i wo bere ni, Nyεmε yo jɔjɔri i nɔanie bekun wɔ, ka, i bita bu wɔ, na bu wó bere haari san̄ga bo i bá fa sin saaki i kerε. I má i kerε wo bere wɔ, kɔ ju san̄ga bo i bá di minem jɔrε, bere bo bu soro má i ni, na bu ká n̄gbεen.

<sup>8</sup> M danfo kparam, am si tenle na má am wara fi ahin jɔrε kun ni, yiri la ka, cɛen kun ti ka afɔ akpii wɔ Nyεmε dɔ, na afɔ akpii gusu ti ka cɛen kun wɔ i dɔ.

<sup>9</sup> Kabo Micɛra n seeri ka i yo ni, mine nbem bita kan ka i ti niniki. I ti má ka i ti niniki wɔ, ama, i la mindi ni amberε wɔ, i koro má ka be ka n̄gbεen, ama, i koro ka sɔnɔ kerε kaaki i wo wɔ.

<sup>10</sup> Ama, Micɛra n cɛen ni, i bá kabo awiefɔ ba fura nu na i wɔ n wɔ. Nyini cɛen ni, an̄goro ni yó nan̄mie fan̄ga su, na i busu míni, na sin yára deke kerε bo i wo an̄goro ni, na i ká n̄gbεen. Na asien n ni deke kerε bo i wo asien n su n bá wo má bere.

<sup>11</sup> Kabo nyini deke n kerε bá ka n̄gbεen sɔ ni, wɔ yo daka ka am ti nzu mine barasum wɔ? Wɔ yo daka ka am woowa ti casi, na am fa am n̄u ma Nyεmε n̄gumi,



<sup>12</sup> na am ηminda fa kɔ Nyeme cɛen ni, na am boro am nyi yo sa bo i ma i ba ndende. Nyini cɛen n ye sin yára angoro n kere na i ká ηgbɛen n a, na i kekere má deke n kere bo i wo angoro n koro.

<sup>13</sup> Ama, ya ηminda sa bo Nyeme yo seeri ka i bá yo ni, ka, i yí angoro ni asien fɔfɔre, dɔ ye bu nati yo sa bo i kɔ atin su ηgumi a.

<sup>14</sup> Tɔ, m danfo kpam, kabo am ηminda fa kɔ nyini cɛen n ni, am boro am nyi, adena Nyeme bá ηu ka am ni yiri nɔɔ ayo kun, na am woowa ti casi na am la má ηgasi be i dɔ.

<sup>15</sup> Am tenge su ka ya Mibie mindi n dɛɛ ti, ye mine nyá tiide a. Sɔ ye ya niwa koroowa Pɔɔlu yo kere maari am a, Nyeme ceeri i alecira n a.

<sup>16</sup> Wɔ kere ahin n be sɔ i kadasi n kere n nu, ama, jɔre nbem wo nu, bo i ti kekereke na sɔnɔ ti i bu. Nyini ye minem bo bu si má be na bu nya bi má Nyeme su atin su ni, nbem fa bu dɛɛ ηgɔnlɛ kaaki i, ye i kɔ má atin su n a, kabo bu kaaki kerɛɛwa nyingam bo bu wo Nyeme Jɔre Kadasi n nu n lɛɛ. Kabo bu yo sɔ ni, nyini ma bu ka ηgbɛen a.

<sup>17</sup> M danfo kpam, ambersɛ, am du mɔ si nyini ni. Nyini ti, am si am ηu sa, adena má am sɔn minem bo bu bu má be n su, na am mini atin n bo am su i su ni.

<sup>18</sup> Ama, am kɔ su, na am subita Yesu Kristo dɛɛ atin ni, yiri bo i ti ya Mibie ni ya Tiidefɔ ni, adena am koro di i ahɔrɔma, na am si i buka su. Yiri Yesu Kristo ni, i ti ye ni ka minem kere wura i kpiri, kisa ni sanɔa kere. Ami.

**ΝΥΣΜΕ ΙΟΥΣ ΚΑΣΙ**  
**The New Testament in Anufo (Chokosi)**

copyright © 2009 Wycliffe Bible Translators, Inc.

Language: Anufo

Contributor: Wycliffe Bible Translators, Inc.

All rights reserved.

2025-05-01

---

PDF generated using Haiola and XeLaTeX on 30 Apr 2025 from source  
files dated 1 May 2025

fe36d0e6-2a60-5e15-8d1c-8bf275389598